

Morge z'Wümmelige

Taschenbier: *Ja, so gseht öpe en stinknormale Morge z'Wümmelige us.
Mer schlenderet chli dur d'Strasse und a jedem Egge gseht mer wieder irgendöpert
womer kennt...*

Taschenbier: So gseht das jede Morge us: Morge, Morge, Morge!
Irgendeine luegt zum Fenster us: Morge, Morge!

Bäcker: *Guete Morge!*

Taschenbier: *Ja, guete Morge Bäcker.*

Bäcker: Ich muess der was verzelle
Häsch es Gipfeli wöle
Oder Büürli häsch doch gärä
Jetzt sitz doch mol chli härä
S'isch doch Nüüni, Ziiit für Znüüni

Taschenbier: *Ich ha grad Zmorge gha. Danke! Uf wiederluege!*

Taschenbier: So gseht das jede Morge us: Morge, Morge, Morge!
Irgendeini luegt zum Tüürli us: Morge, Morge!

Anwältin: *Grüezi Herr Taschenbier!*

Taschenbier: *Frau Awältin, gahts guet?*

Anwältin: Gaht guet, wenn ich cha klage
Du chasch mich eifach frage
Chan Freischpruch beatrage
Hey, ich wött dich nöd verjage
Ich bi din Awalt, wennis mal knallt

Taschenbier: *Nei, danke. Ich mag nöd klage.*

Taschenbier: So gseht das jede Morge us: Morge, Morge, Morge!
Irgendeine chunnt zum Labor us: Morge, Morge!

Professor: *Guguuuseli!*

Taschenbier: *Professor, wieder öpis Neus erfunde?*

Professor: Nur en Tropfe ufe Kopf
Und Zack en Wuschelschopf
Jetzt tüend Sie doch mol lose
Uups, das isch id'Hose

....

Taschenbier: *Sie mönd nöd truurig sii. Nei, das macht doch nüt. Das klappt schono, Herr
Professor! Viel Glück bim nächste Mal. Uf Wiederluege!*

Alle: So gseht das jede Morge us: Morge, Morge, Morge!
Jede Nachbär rüeft vo Hus zu Hus: Morge, Morge!

Sams-Jagd

Sams: Fanget mich doch!

Jäger: Dich hemmer grad! Ich bin de bescht Jäger i de ganze Gegend. Tadaaa!

*Jäger: Ich übergumpe en Gunte
Vom Laub gits chli Staub
Tue über d'Wurzle inepurzle
Und weisch, was hani gseh?*

*Jäger: Es Reh hani gseh
En Fuchs und en Luchs
E Gans und es... / Förster: ...hä, wo ischer jetzt?*

Sams: Ihr lahme Ente!!!

Jäger: Wart du nur, mir findet dich schono!

Förster: Da hinde ischer!

*Jäger: Ich übergumpe en Gunte
Vom Laub gits chli Staub
Tue über d'Wurzle inepurzle
Und weisch, was hani gseh?*

*Jäger & Förster: Es Reh hani gseh
En Fuchs und en Luchs
E Gans und es Sams*

Förster: Dete!

Jäger: Jetzt hani dich!!!

Wo brennt's?

Alle: Hilfe, es brennt! / Chömet all schnell, es brennt! / Wo brennts?

Alle:
Wo brennts, wo brennts, wo brennts?
Mer rennt, rennt, rennt, rennt
Dethii wo s'Füürli brennt
Dethii wo s'Füürli brennt
Wo brennts, wo brennts, wo brennts?
Mer rennt, rennt, rennt, rennt
Dethii wo s'Füürli brennt

Sams /
Feuerwehr: Lalala.... /
Oh, verbrennti Zeine, Zeine
Mer chönnti meine, meine, meine
Da stah eine ufem Schluch
Mitem Buuch grad ufem Schluch

*Sams /
Taschenbier: Fürio! / Sams, jetzt hör emol uf! / Mordio! / Sams, also würkli! /
Radio! / Jetzt lueg emol das Chaos a, wo du da agrichtet hesch!*

Sams /
Feuerwehr: Lalala.... /
Es brennt, es brennt, es brennt
Wer rennt, wer rennt, wer rennt?
Dethii wo s'Füürli brennt
– oh, er hetts verpennt

Alle:
Wo brennts, wo brennts, wo brennts?
Mer rennt, rennt, rennt, rennt
Dethii wo s'Füürli brennt
Dethii wo s'Füürli brennt
Wo brennts, wo brennts, wo brennts?
Mer rennt, rennt, rennt, rennt
Dethii wo s'Füürli brennt – brennt, brennt, brennt

Sams /
Feuerwehr: Lalala.... /
Oh, mir bruuchet Wasser, Wasser
Derfets nöd verpasse, passe
Wer stah jetzt wieder ufem Schluuch
Gopf, wer stah jetzt wieder ufem Schluuch?!

Alle:
Wo brennts, wo brennts, wo brennts?
Mer rennt, rennt, rennt, rennt
Dethii wo s'Füürli brennt
Dethii wo s'Füürli brennt
Wo brennts, wo brennts, wo brennts?
Mer rennt, rennt, rennt, rennt
Dethii wo s'Füürli brennt – brennt, brennt, brennt

*Alle: Aber s'hett doch gar nöd brennt. / S'hett gar nöd brennt? / Nei, nienet
brennt. / Nienet brennt?*

Sams: Haha...Alli driigleit!

I de Schuel

Mädchen: *Hoi, ich bin d'Annemarie*
Hesch denn du kein Thek debii? – *Sams: Nei!*
Aber so ghört sich das, das söll so sii
D'Huusufgabe ghöret do drii – *Sams: Husufgabe?*
S'Dütschbuech, s'Heft und s'Etui
En Znüni hani amel au debi – *Sams: Oh ja, öpis z'Esse!*

Mädchen: **Willkomm i de Klass**
Do lernsch und hesch sicher Spass / Junge: Sicher KEI Spass!
Willkomm i de Klass
Do lernsch und hesch Spass / Junge: Do hesch KEI Spass, Mann!

Ja, iss du nur, isch de Mage leer
Fallt dir nämli s Lernä schwer
Chasch au es paar vo mine Schriiber ha
Nimm dete Platz , es fangt glii a
Nimm no schnell de Schtuäl vom Pult
Bitte, ohni Lärm und Tumult

Mädchen: **Willkomm i de Klass**
Do lernsch und hesch sicher Spass / Junge: Glaubs au, eh!
Willkomm i de Klass
Do lernsch und hesch Spass / Junge: Do hesch KEI Spass!

Junge: Sie isch en choge Streber, los besser nöd uf sie
Chills mal Alti, denn gahts viel schneller do verbii
Streck dini Zunge use, wenn de Lehrer chunnt
mach extra choge Lärm und tue dini Füess ruhig ufs Pult
Ja, ich bin au nöd dä Flissigscht und au nöd super gschiid
aber wenni so am räppe bin, packt anderi de Niid
Ich muss doch nöd id Schuel, zumen grosse Räpper werde
Nomol es Jahr zum Herr Groll, da würdi lieber stärke
Also, überleggs der guet...

Mädchen: Chasch du jetzt nöd stille sii
D'Pause isch längscht verbii
Achtung, er chunnt, sitzet jetzt ane
Ich muess mich ja wüerkli schäme
Hender alles schön parad
De Lehrer chunnt jetzt grad

Mädchen: **Willkomm i de Klass**
Do lernsch und hesch sicher Spass / Junge: Was Spass, Alti!
Willkomm i de Klass
Do lernsch und hesch Spass / Junge: Bis ruhig!

Sams: Ach, s'verleidet mir ja jetzt scho schier
Möcht lieber hei zum Papi Taschebier

Mädchen: Du musch doch offe sii, für neui Chind
S'Tuet doch guet mol frische Wind
D'Schuel macht emfall echt Spass

Junge: Ja, du bruuchschesch paar Bros und Kollege, denn bisch kuul und krass...

Mädchen: **Willkomm i de Klass**
Do lernsch und hesch sicher Spass / Junge: Sicher kei Spass!
Willkomm i de Klass
Do lernsch und hesch Spass / Junge: Nei, do hesch KEI Spass!

Lehrer: *Kinder, setzen!*

Miteme Lache

Herr Taschenbier: Ohni Sams isch s'Lebe öd
Ohni ihn isch alles blöd
Ich weiss jetzt würekli nöd
Wasi ohni mis Chindli sött

*Annemarie: Aber hey, was hett s'Sams gseit?
Wüsset ihr no, Kind, was s'Sams gseit hett?
Ja, es chömi doch wieder zrugg!*

*Beide: Am Mäntig – Bsuech vom Herr Mon
Ziischtig – hani Diensch
Mittwoch – isch Mitti vo de Wuche
Donnschtig – donnerets
Friitig – hani frei
Und am Samschtig -Chunnt s'Sams! – Sams, Sams, Sams...*

Herr Taschenbier: Ja, ich mach mich nöd veruggt
S'Sams, das chunnt scho zrugg
Bis dethii da gnüsseni
S'Lebe, wie schöns doch chan sii

**Miteme Lache gani hei
Denn ich bliibe nöd ellei
Und sege Adee, uf Wiederseh
Mir werdet üs ja wieder gseh**

Und ich sege mir au hüt
D'Frau Rotkohl macht mir nüt
Sie söll nur bös mit mir sii
Das gaht mir da am A...rm verbii

Herr Taschenbier: **Miteme Lache gani hei
Denn ich bliibe nöd ellei
Und sege Adee, uf Wiederseh
Mir werdet üs ja wieder gseh**

Alle: Au für eu Chind isches sowiit
Oh ja, es isch scho Ziit
Zum bald scho heizue zgo
Schön, sinder zum Märli cho

2x **Miteme Lache gömmer hei
Denn mir bliibet nöd ellei
Und seget Adee, uf Wiederseh
hoffet, eu mol wieder z'gseh**